

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 17.07.2018թ. թիվ 1808306274 որոշումն անփոփոխ, իսկ վարչական բողոքն առանց բավարարման թողնելու մասին

<<01>> 08 2018թ. 14-13-87559-18/14-13-9564

ք.Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Ռազմիկ Մանջարջյանի դիմումի քննարկման արդյունքում ստեղծված նյութերը

Պ Ա Ր Զ Ե Ց Ի

ՀՀ Լոռու մարզի Վանաձոր քաղաքի Երևանյան խճուղի 64 շենքի 22 բնակարանի բնակիչ Ռազմիկ Մանջարջյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 17.07.2018թ. թիվ 1808306274 որոշումը՝ նշելով, որ համաձայն չէ որոշմամբ արձանագրված իրավախախտման հետ:

Դիմումի քննարկման արդյունքում պարզվել է, որ վարչական ակտը վերանայելու հիմքեր չկան, քանի որ Հայաստանի Հանրապետությունում տեղադրված բոլոր արագաչափ սարքերը ստուգաչափված են Հայաստանի Հանրապետության տնտեսական զարգացման և ներդրումների նախարարության չափագիտության ազգային ինստիտուտի կողմից, և դրանց արձանագրած արագությունը համապատասխանում է տրանսպորտային միջոցների փաստացի արագությանը, իսկ ճշտության կարգը (սխալանքը) չի հանդիսանում արագաչափի չափագիտական բնութագիրը, այլ նորմատիվ փաստաթղթով սահմանված առավելագույն սխալանքի արժեքն է, որը չի կարող ազդել արագաչափի փաստացի արձանագրած արագության ստույգության վրա:

Դիմումատուին վարչական պատասխանատվության ենթարկելու մասին որոշման հիմքում դրված լուսանկարում հստակ նշված և տեսանելի է տրանսպորտային միջոցի երթևեկության գոտին, ուղղությունը, ինչը չի կարող կասկածի տակ դնել իրավախախտումը հենց այդ BMW մակնիշի 350X451 հաշվառման համարանիշի տրանսպորտային միջոցով կատարելու փաստը:

Այսպիսով՝ դիմումատուն 23.06.2018թ-ին ժամը 12:20-ին ՀՀ, Մ-3 42.3կմ Կարբի գյուղի վարչական տարածքում երթևեկելով 75 կմ/ժ արագությամբ թույլ է տվել սահմանված արագության 15 կմ/ժ-ով գերազանցում, հանելով արագաչափ սարքի հնարավոր սխալանքի 10 կմ/ժ չափը, գերազանցել է երթևեկության սահմանված արագությունը 5 կմ/ժ-ով, ինչի համար պատասխանատվություն է նախատեսված <<Վարչական իրավախախտումների վերաբերյալ>> ՀՀ օրենսգրքի 124.4-րդ հոդվածի 1-ին մասով, հետևաբար դիմումատուին վարչական պատասխանատվության ենթարկելու մասին որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 17.07.2018թ. թիվ 1808306274 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Ռազմիկ Մանջարջյանին:



*[Handwritten signature]*

Ե.Կարապետյան